

脩齋治平語錄

擎天手集

修齊治平語錄

上海啓智書局印行

民國二十四年九月三版

全一冊定價大洋七角

版 權 所 有
修 齊 治 平 語 錄

著 者

擎

天

發 行 者

啓 智 書 局

局

印 刷 者

啓 智 印 務 公 司

上海法界西門路潤安里十九號

代 售 處

全 國 各 大 書 局

修齊治平語錄自序

余自民國五年。由粵而黔而湘而鄂。足跡無定所。後入川。得閱釋道之書。及劉止唐先生之學說。卽欲闡揚孔孟之道。以挽頹風。蓄志久矣。一因奔走國事。飄泊年年。一因余本武夫。學識淺陋。嘗欲聚學識兼長之友數人。方着手編集。否料頻年奔走。聚會良艱。民國十七年夏。因事居留漢臬。與廖子一謙同寓。其人少年老成。謹慎誠實。談次及之。彼卽極端勸余進行。並擔任抄錄及付印等事。乃始從事綴錄。非敢以問世也。不過於世道人心。及青年學子。欲有補於萬一云爾。

中華民國十九年七月擎天自序於長沙天鵝塘之融園

己巳夏。余以事赴桂林。得識興安吳子擎天。庚午春。又與之同客長沙。往還漸密。吳子出示所手集修齊治平語錄。盡日讀之。始知吳子爲有心世道之人。其說一以孔孟爲歸。噫。亦何言之深而論之切也。夫世亂日亟。由于邪說披猖。舉世盲從。吳子以悲天憫人之念。集注斯篇。振聵發聵。可挽浩劫。非徒學問文章之足愈也。並勸早付手民。以供同好。因序數語歸之。以誌欽佩云，懷甯馬孟莊。

輓近以來。聖學垂絕。倫常道德。幾於滅亡。賊夫人者。異說造端。桎錮民智。乃至斯極。而其害則亦由遺經不守。詩書盡廢。孔孟之說。亦弁髦輕之。不知孔孟固聖學之宗也。孔孟而外。如老莊荀卿楊墨之徒。各持有理。苟淬智而通慧。則相因互用。未

必不咸足證明一貫之傳。顧以偏執所師。遂彼此是非。正義愈泊。主奴門戶。反啓聚訟之階。而能循其途而辨夫等量者。并不可得。有識之士。惟盡焉傷矣。擎天發慨纂輯。以著此編。本原洞窺。幽奧斯揭。加之穿貫。舉簡而明。其將以津逮來者。允可發矇。籍早廣傳。蓋亦世道人心之福也。至其志在力挽頽流。宏闡大道。則吾又悉擎天爲知其所止。於末法中得神悟者。世有達人。倘亦以吾言爲或當於理乎。庚午小雪後五日。祁陽道中。弟熊丙寅賓立甫識。

天下惡乎治。曰。聖道闡揚。性理修明而已。天下惡乎亂。曰。邪說橫行。習非成是而已。自歐風東漸。醉心新學之士。襲取西人之糟粕。唾棄祖國之精華。詡詡然自謂可以齊家治國平天下。

卒之亂日多而治日少。又歸咎于則倣未能盡致。嗚呼。何其悖也。今夫人之病衰弱也。善醫者，進以參苓。培其元氣。則其病必立愈。若投以辛散不效。更重以攻剋。則其人罔不危且死焉。蓋未得其病源。以非爲是。故弗能治也。爲國之道亦然。凡物莫不有本。尋其本而治理之。斯能收圓滿之效果。反之惟見其心勞日拙而矣。吾國自黃帝至于孔孟。積數千百年之損益。治天下之道。至矣備矣。苟于是而求之。所謂如運之掌上。特患以其近而忽之耳。吾友興安吳擎天。軍人也。然而近于道。治兵有暇。輒手一卷。但非心身性命之學不敢學。非至德要道之書不敢讀。庚午春。予逮自漢臬。同客長沙。出其所輯修齊治平語錄。屬爲參訂。亟讀一遍。皆聖賢之精髓。不獨爲修身齊家治國平天下之圭臬。

。亦卽作聖作賢之基礎。洵入德之門也。夫吾國聖經賢傳。至繁且頤。而青年學子。日汲汲于科學。雖有勤敏深思之士。恆苦精神歲月之不足。弗能一二鑽研。其患時習病稍深者。又多鄙夷先哲之前言往行。以爲迂闊。不合時宜。間嘗謂瀛政焚書坑儒。然尙有孔鮒其人。而醫藥卜筮之書。猶在保存之列。故後世得以窺聖賢之微言大旨。時至今日。陵遲至數十年後。邪說愈多。聖道益晦。古文書雖具在。率多用爲覆瓿燒薪矣。蓋人類生存于社會。所以異于禽獸者。以其有性理之分。禮義之別。正心誠意之功能也。果於此而厭棄之。蔑視之。則其與禽獸何異。擎天君斯編。專集孔孟諸子性理之學。修齊治平之語。其糾正輓近謬說曲解。復若干則。新進得之。既便于誦讀。而于古聖賢修齊治平大事。

業。更不必旁搜博攷。且不至走入岐途。是非混澆。斯則不僅有益聖工。其補助方來學子。造成偉大人格者。尤鉅。予佩其衛聖多功。啓迪有益。既爲之忝訂。復綴數語于篇端。用促其早付剞劂焉。泉陵草草山人書黠序于倦棲齋

國家之治亂。民族之盛衰。莫不由於政治之良窳。政治之良窳。莫不由於國民思想之善惡。去惡從善。則又賴乎諸賢哲之學說。有以維繫之。倡導之，略跡史乘者。類能知之。我國初承先賢哲之學說。尙能苟安。厥後鄙棄學說。瘼視政治。世風日下。邪說橫行。自歐風東漸。恍然憬悟。始圖自強。徒知取人之末。爲我之本。不知今日泰西之學說。大半卽爲我國先賢哲所已倡導。而幾經實驗者。噫。我國先賢哲之學說。淪亡久矣。豈非可深長歎

息也耶。十九年秋。長沙陷於匪。避危漢臬。正思所以闢其邪說。家兄湘衡。示以興安吳擎天先生。手集之修齊治平語錄一書。治吾國諸先賢哲。所倡修身齊家治國天下之學說於一爐。取其精華。從而闡揚之。維繫我國固有之美德。倡導我國固有之文化。而醉心歐化。盲從邪說者。知所警惕矣。進而求之。國家前途。庶幾有豸。不揣固陋。爰誌數語以爲序。湘陰瞿世藩。

天下之將亂也。先亂于思想之分岐。而後亂臣賊子乘之。天下之將定也。必定于思想之統一。而始能長治久安。武力其餘者也。漢初罷黜百家。獨崇孔氏。而漢俎綿延四百餘年。東晉釋道浸淫。孔氏衰微。而內亂無已。不旋踵而亡。蓋非有聖教以繫乎人心。雖有力者莫能爲也。近世歐化東漸。羣趨西說。是此非彼

。黨同伐異。慕外人器械之精利。並中國古今上下歷代相安之聖教。一旦而棄之。欲世之不亂。惡可得乎。革命之道。當先革心。不思表章孔氏。統一思想。以挽頹風。徒以武力征伐。豈有濟哉。實足滋亂而已。興安吳擎天先生。痛心世道。故集修齊治平語錄一書。藉以警世。不知大夢沉沉者能爲一醒否。黃南春。

修齊治平語錄凡例

一、予集斯篇。爲青年學子。未嘗研究孔孟及諸子之書者而設。非敢炫耀于大匠之門。

一、孔孟之道。精義微言。人多習而不察。失傳已久。歷代雖間有其人。然孤高和寡。不能大白於世。故不絕者一縷耳。茲特揭出以告國人。願人人得聞孔孟之道。人人得學孔孟之爲人。則聖學昌而人心正。此卽小子集斯篇之旨。

一、世道日衰。人欲橫流。捨孔孟之道。不足以挽回國家劫運。此篇雖雜有老莊及墨楊荀諸子之學說。大都於世道人心。及性命有關者。故於諸子之是者是之。非者非之。皆憑良心之

主張。決無偏袒之見。要皆以孔孟爲指歸。

一、孔孟之學說。實吾國之國粹。不徒將之保存已也。必須發揚光大。使天之所覆。地之所載。日月所照。霜露所墜。凡有血氣者。莫不尊親而後快。

一、孔孟之道。包羅萬有。誠能鑽研有得。身體力行。不徒修身齊家治國平天下也。則人人可以作聖賢。決非欺人之語。

一、本篇以極淺顯之文字。述極精微之義理。蓋欲稍識文字者。俱獲瞭解。故文言白話。隨意綴述。不拘于一格。苦學者之用心也。

一、予素性好道。於身心修養。多重老莊。於世道治亂。多宗孔孟。至於墨子之兼愛非攻。今世尤關重要。楊子之爲我養生。

。荀子之征服天行。以爲人用，各有所長。故并錄之，仁者見仁。智者見智。幸勿是此而非彼。

一、此篇自民國十七年夏起。成於十八年夏。均於閒暇時摘集。其中遺漏錯誤。在所不免。閱者諒之。

修齊治平語錄目錄

一、孔子

孔子的學問道德及人格

孔子之周遊列國。

孔子之設教杏壇。

孔子之審定六經。

孔子的中庸之道。

孔子的一貫之道。

孔子論政之標準。
「重人」。「重德」。「重禮」。「正己」。「正名」。爲千古政治之特色。

孔子論治國之本末

孔子之論仁。「孔子之仁。有謂不及顏子」。

孔子之論孝。「孔子之孝。有謂不及曾子」。

孔子之講革命。

孔子之筆伐亂臣賊子。

孔子之重禮樂。

孔子的人格殷鑒。

孔子批評人之公道。及注重民族主義。

孔子之講民生問題。

孔子的大同主義

孔子之論誠。

孔門之論君子及其小人。

孔門之言天與命。

孔孟也曾說過行易知難。

二、孟子

孟子之講學。及不動心。

孟子之講性善。「附荀子之性惡」

孟子之所以闢楊墨。

孟子之講仁政。重農事。卽「王道」。亦卽「民生主義」。

孟子之講民權。重民意。

孟子之遊列國。講「仁義」「王道」「賤」「霸道」「斥」「功利」

孟子之非戰。

孟子之論戰。